

13. maj 2014

UPA 2014/48
Lars Mathæussen

Innuttaasuni utoqqaat amerligaluttuinnarnerat eqqarsaatigalugu utoqqarnik isumassuinitinnut ilaatillugu utoqqarnut ininik neqerooruteqartarnerput siumut sammisooqqullugulu ullutsinnut naleqquttooqqullugu utoqqarnut inissianut tunngatilugulu suliaasaqarfimmi pilersaarusiornissamik Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit)

Inatsisartunut ilaasortaq Aqqaluaq B. Egede-p utoqqaat illuini najugaqalersussat najugaqartullumi ullumikkornit pitsaaneruseqarnerumik ineqartinneqarnissaannik siunnersuutaa Siumumiit ima oqaaseqarfigissavarput.

Siullermik Inatsisartunut ilaasortaq Aqqaluaq B. Egede qutsavigeqqaassavarput nunatsinni utoqqalinissaq pilerinarnerusunngortinniarlugu siunnersuuteqarmat.

Taama qutsateqarnitsinnut pissutaavoq ilisimagatsigu ilaatigut utoqqaat illui isikkiveqanngitsumiimmata, pingaarutilerujussuartut isigaarput utoqqalinermi nunarsuatta imartarsuatalu peroriartorfigisap tarnikkut anersaakkullu nukissanik aallerfiujuartuunera kalaallip pinngitsoorsinnaanngimmagu.

Sammissassatiguttaaqq pitsaasumik atugassaqaarnissaq utoqqalinermi pitsaanerunissaa pineqartunut pitsaanerpaassammat isumaqatigiissutiginnagassaavoq.

Siumumiilli Naalakkersuisut akissuteqaataat aallaavigalugu suliat assigiinngitsut aamma utoqqarnut tunngasut ingerlanneqareermata siunnersuut ilalinngilarput.